

بچیاں دی بائبل
پیشکش



سمسون خدادا طاقت ور بنده



Edward Hughes : لکھت

Janie Forest : تصویر می خاکے

Alastair Paterson

Lyn Doerksen : مطابقت

Jamil Thomas : جمیل ٹامس ، سسیلیا غنی

Produced by: Bible for Children


www.M1914.org

©2022 Bible for Children, Inc.

تسی ایس کتابچے نوں پر نٹ یا کاپی کر سگدے او، پر ایس نوں و پچ نئیں سگدے۔




بوہت ورے پہلاں اسرائیل دی سرزمین تے منوحہ نامی اک بندہ رہندا سی۔ اوہ
دونویں میاں بیوی بے اولاد سن۔ اک دن خدا دافرشتہ منوحہ دی بیوی اُتے ظاہر ہو یا۔
اوس نیں آکھیا، تہاڈے ہاں اک بچہ پیدا ہوئے گا۔




اوس عورت نئں اپنے خاوندنوں ایہہ عجیب خبر سنائی۔ منوحہ نئں دُعائیتی، اے
میرے خدا ساڈے اُتے فیر ظاہر ہو، اتے اوس بچے دے ولوں کی کرنا چاہیدا
اے؟ اوہ سانوں سکھا۔





فرشتے نہیں منوحہ نوں آکھیا، کہ اوس بچے دے وال کدی وی
نہ کٹوانا، اوہ کدی شراب نہ پیئے۔ تے دسے ہوئے کھانے
دیاں کجھ شیواں نہ کھائے۔ خدا نیں ایس بچے نوں منصف
ہوون دے لئی چنیا اے۔ اوہ اسرائیل دا، راہنما ہوئے گا۔





خدا دے لوکاں اسرائیلیاں نوں

یقینی طور تے مدد دی لوڑ سی۔ اوہناں نیں اپنیاں


زندگیاں توں خدا نوں کڈ دتا، تداوہ اپنے دشمنناں، فلسطینیاں دے سبب توں

ستائے گئے۔ پر جد اوہناں نیں دُعا کیتی، خدا نیں اوہناں دی سنی۔ اوس نیں اوس بچے

نوں کلایا۔ کہ اوہ دنیا داسب توں طاقت ور بندہ ہوئے۔



فیر عورت دے ہاں بچہ پیدا ہو یا۔
تے اوس دانناں سمسون رکھیا گیا۔
تے بچہ ودھیا۔ تے خداوند نیں اوس
نوں برکت دتی۔ تے خداوند دی
روح اوس تے جنبش کرنا شروع
ہوئی۔ سمسون بوہت طاقتور ہو گیا۔
اک دن اوہ ببر شیر دے نال اپنے
ساتھیاں دے نال لڑیا۔ تے اوس
نوں جان توں مار دتا۔





بعد چوں سمسون نین مکھیاں دے چھتے دے وچوں
جیہڑا کہ مردہ شیر دے جسم وچ سی، شہید کھادا۔
اوس نین اک پہیلی پو چھی کہ کھانے وچوں تے
کھاون نوں نکلیا، تے طاقتور دے وچوں مٹھاس۔






کوئی ایس پہیلی نوں نہ بچھ سکیا۔ پر سمسون دی
نویں دلہن نیں جیہڑی فلسطین توں سی۔ اپنے
دوستاں نوں اوس دا مطلب دس دتا۔ ایس
گل نیں سمسون نوں بوہت غصہ دلایا۔




سمسون فلسطنیاں تے ہو روی بوہتا ناراض ہو یا۔ جدا وہناں نہیں اوہناں دی بیوی نوں
اوس دے سب توں چنگے دوست دی بیوی ہو ون دے لئی دے دتا۔ اوس نہیں بدلہ لین
دا منصوبہ بنایا۔ پر کنج؟ سب توں پہلاں سمسون نہیں ۳۰۰ لومڑیاں نوں پھڑیا۔ فیر اوس
نیں دو دو دیاں آپس وچ دُماں بھن دتیاں۔ اتے اوہناں دے وچکار جلدیاں ہو یاں
مشعلاں رکھ دتیاں۔




فیر سمسون نین لومڑیاں فلسطنیاں دے کھیتاں دے وچ چھڈ دتیاں۔




ہن فلسطینیاں نیں اوس توں بدلہ لینا چاہیا۔ سمسون نیں اپنے آپ نوں اوہناں دے
حوالے کیتا، اوس نوں بنھیا گیا۔ تے فلسطینیاں دے ہتھوں اوس نوں جان توں مارن
دے لئی حوالہ کیتا گیا۔



پر خدا اور روح سمسون تے نازل ہو یا۔ اوس
نیں رسیاں نوں توڑ یا۔ جس دے وچ اوس
نوں بنھیا گیا سی۔ اوس نہیں مردہ گدھے دا
اک جبر الیا تے ۱۰۰۰ دشمنان نوں مار دتا۔



فلسطینی سمسون نون پھڑن دے لئی لوکاں دے گروہ دی تلاش کردے ہن۔ اک
رات اوہناں نے اک شہر وچ اوس نون پھڑ لیا۔ تے پھاٹک دے گیٹ نون تالا لادتا۔ پر
سمسون پھاٹک دا بوہا اپنے کندھیاں تے چک کے باہر آ گیا۔




پر سمسون نین خدای نافرمانی کیتی۔ خدا نین اوس
ویله تیکر اوس نوں طاقت دتی جد تیکر اوس نین
خدای گل منی۔ اک دن سمسون نین اپنی طاقت
داراز فلسطین دی سوہنی جاسوس دلا نیلہ نوں دس
دتا۔ اوس دے نال اک بندہ سی، جس نین سمسون
دے والاں نوں جدوں
اوہ سوں رہیاسی کٹ دتا۔




تد فلسطینی سپاہیاں نہیں سمسون تے جدوں اوہ دلائیلہ دی خواب
گاہ دے وچ سورہیاسی، چڑھائی کیتی۔ سمسون بڑی


مشکل دے نال اوہناں نال لڑیا۔ کیوں جے
اوس دی طاقت مک گئی سی۔ اوس دے
دشمنان نہیں اوہناں دیاں آکھاں کڈد تیاں
سن۔ انھاتے ماڑا سمسون فلسطینیاں دا
غلام بن گیا۔ اوہ خدادے خادم تے ہسے۔
تے اوس دامذاق اڑایا۔



فلسطین دی اک ضیافت سی۔ اوہناں
نیں اپنے خدا دی پرستش کیتی۔ کہ
اوس نہیں سمسون نوں اوہناں دے
حوالے کردتا۔ اوہناں نہیں مے نوشی
کیتی۔ تے ڈیگن دے مندر دے وچ
خوشی منائی۔ فیر اوہناں نہیں سمسون
نون تماشا کرن دے لئی سدیا۔




اک منڈا سمسون نوں لے کے آیا۔ تے اوس نوں ستوناں دے اُتے جھکا دتا۔ جس دے
اُتے مندر دی عمارت کھلوتی سی۔ ۳۰۰۰ فلسطینی چھت تے، تے بوہت سارے مندر
دے اندر سن۔ سارے اوس دامذاق اڑارے سن۔ پر سمسون دے وال قید خانے دے



وچ ودھن لگ پئے
سن۔ تے ہن اوس نیں
دُعا کیتی۔ اے خداوند
خدا صرف ایس وار
میںوں طاقت دے
دے، تاں جے میں
اپنیاں دونوں اکھاں
کڈن والے دا بدلہ
لے سکاں۔



کی خدا سمسون نون فیرد و باره طاقت دیوئے گا؟
کی سمسون ناممکن کم کر سکیا؟ جی ہاں! سمسون
نیں وڈھے ستوناں نون لھچیا۔ تے چکدے
ہوئے وکھرے کردتا۔ ڈیگن دامندر ڈگیا۔
تے ہزاراں فلسطینیاں تے سمسون
نون جان تون مار دے
ہوئے تباہ ہو گیا۔



سمسون خدا داطاقت ور بندہ

خدا دے کلام بائبل چوں کہانی


پائی جان دی اے

قضاة ۱۳-۱۶

"تیریاں گلاں دی تشریح نور بخش دی اے۔"

زبور 119:130





14



60



بائبل دی ایہہ کہانی سانوں ساڈے حیران کن رب دے بارے
چچ دسدی ہے جیس نے سانوں بنایا تے چاہندا اے کہ اسیں اوس نوں جانئیں۔

خدا جان دا ہے کہ اسیں برے کم کردے ہاں، جیس نوں اوہ پاپ کہندا ہے۔ پاپ دی سزا موت اے،
پر خدا سانوں اجہیا پیار کردا اے کہ اس نے اپنا اکلوتا پتر بھیج دتا، یسوع نوں، کہ اوہ ساڈے پاپاں دے
کارن سولی تے موئے۔ تد یسوع جیوت ہوا تے واپس آسمان تے چلا گیا۔ جے تسی یسوع تے ایمان
رکھدے اور اتے اوس نوں اپنے پاپاں دی معافی منگدے او تے اوہ فیہر معاف کرے گا۔ اوہ تہاڈے
کول آوے گا تے تہاڈے وچ رہے گا، اتے تسی ہمیشہ اس دے نال رہو گے۔

جے تسی ایمان رکھدے کہ ایہہ سچ اے تے فیہر ایہہ کہو:

پیارے یسوع، میں ایمان رکھدا ہاں کہ توں میرا خدا ایں، اتے توں میرے پاپاں دی خاطر مرن
لئی انسان بنیا، اتے ہن توں فیہر زندہ ایں۔ کرپا کر کے میرے جیون چچ آاتے میرے پاپاں نوں
معاف کر۔ تاں جو میرے کول وی نواں جیون ہوئے، اتے اک دن تیرے نال ہمیشہ ہمیشہ
رہاں۔ میری مدد کر کہ تیری فرمانبرداری کراں اتے تیرا بچہ بن کے رہاں۔ آمین۔

ہر روز بائبل نوں پڑھو اتے خدا دے نال گل بات کرو۔ یوحنا 3:16

